

关于植树节的小诗

1.
竹母初分种屋头，斑斑泪点带诗愁。他时看取成林玉，遥剪湘江一片秋。
。——吴龙翰《栽斑竹》
2.
石栏沙路雨声干，为欠萧萧一两竿。深带土膏从地底，暝移茅屋过江干。
。方于辰日依时种，影待晴天拂翠看。试倚蓬窗听疏密，布袍沾尽不知寒。
。——李东阳《风雨种竹》
3.
参天榕树绿婆娑，拥砌名花五色多。恨少悬珠如斗大，春来急植树波罗。
。——梁维栋《山阁杂咏·其三》
4.
吾家洗砚池头树，朵朵花开淡墨痕。不要人夸颜色好，只留清气满乾坤。
。——王冕《墨梅》
5.
空山寂寂朋游少，为爱风姿手自栽。九十日秋犹暖热，一枝谢又一枝开。
。——方蒙仲《手种芙蓉入秋盛开》
6.
独坐幽篁里，弹琴复长啸。深林人不知，明月来相照。——王维《竹里馆》
7.
无论海角与天涯，大抵心安即是家。路远谁能念乡曲，年深兼欲忘京华。
。忠州且作三年计，种杏栽桃拟待花。——白居易《种桃杏》

8.
草长莺飞二月天，拂堤杨柳醉春烟。儿童散学归来早，忙趁东风放纸鸢。
——高鼎《村居》

9.独怜幽草涧边生，上有黄鹂深树鸣。——韦应物《滁州西涧》

10.鸟宿池边树，僧敲月下门。——贾岛《题李凝幽居》

11.
幸不生渊底，杰出苍苍崖。岁寒只孤秀，万木非吾侪。——吴芾《咏松》

12.
栽培万杉树，延纳五峰云。莲社松门接，陶居柳径分。——俞献可《万杉寺》

13.
此日春气和，万木具含秀。况我山林居，园列颇成就。客自周至来，驱车扣圭窦。白杨二百株，纷纭载其后。根繁生意多，干润理宜茂。倩人速植之，行列未差谬。——康海《植树（节选）》

14.
种竹应须我辈人，茅檐对此可忘贫。欹风带雨看无厌，淡夜寒绡画不真。青女侵袭余瘦节，箨龙盘屈更分身。会裁一管招鸣凤，千亩何须羨渭滨。——刘子翥《次韵温其种竹诗》

15.几处早莺争暖树，谁家新燕啄春泥。——白居易《钱塘湖春行》

16.
手栽两松树，聊以当嘉宾。白头种松桂，早晚见成林。——白居易《寄题周至厅前双松》

17.
南州春又到。向腊尽冬残，冰姑先报。芳心爱春早。露生香馥馥，靓妆

皎皎。诗人最巧。道竹外、斜枝更好。旋移根引水，浇培松竹，凑成三妙。回首。当年客里，荆棘途中，幸陪欢笑。闲愁似扫。记风雪、关山道。待飘花结子，和羹煮酒，还我山居送老。那青红、浪蕊浮花，尽锄去了。——吕胜己《瑞鹤仙·栽梅》

18.

柳州柳刺史，种柳柳江边。谈笑为故事，推移成昔年。垂荫当覆地，耸干会参天。好作思人树，惭无惠化传。——柳宗元《种柳戏题诗》

19.

红颗珍珠诚可爱，白须太守亦何痴。十年结子知谁在，自向庭中种荔枝。——白居易《种荔枝》

20.

弱植不盈尺，远意驻蓬赢。月寒空阶曙，幽梦彩云生。粪壤擢珠树，莓苔插琼英。芳根閼颜色，徂岁为谁荣。——柳宗元《新植海石榴》

本文链接：<https://duanjuziku.com/duanjuzi/m6crlab6ob.html>